

“Pagtawag Kang Jesus Diha Sa Atong Dinalian Nga Panginahanglan!”

Semana 8 - 100 ka Adlaw sa Pag-ampo

Mayo 22 - 28, 2020

“Usa ka Panahon alang sa Pagsusi sa Kasingkasing”

Ni Mark Finley

“Susiha ako, Oh Dios, ug hibaloí ang akong kasingkasing: Sulayi ako, ug hibaloí ang akong mga hunahuna; Ug tan-awa kong kanako aduna bay dalan sa pagkadautan, Ug mandoi ako sa dalan nga walay katapusan. .” – Salmo 139:23-24

Sa nangaging katuigan, sayo sa akong ministryo, gidapit ako sa paghimog usa ka Semana sa Pagpahimug-at sa Espirituwal didto sa usa ka Cristianong elementarya. Sa nag-irog ang semana, nahimog tataw alang kanako nga duha sa mga magtutudlo may seryoso nga panagbingkil. Ang ilang negatibo nga mga kinaiya ngadto sa usag usa kanunay nagbukal-bukal kada magpulong-pulong. Kon ang usa magsugyot og ideya, ang usa mosupak. Sa dihang ang duroha anaa sa pulong-pulong, init kaayo ang miting. Dayag kaayo nga sila wala magkauyonay sa usag usa.

Paingon sa katapusan sa semana, ako nagwali sa dakung pagpataliwala nga pag-ampo ni Cristo diha sa Juan 17. Si Jesus andam na nga mobiya sa Iyang mga tinun-an. Sa di madugay Siya pagabudhian ug ilansang sa krus. Siya mabanhaw gikan sa lubnganan ug mokayab ngadto sa Iyang Amahan. Ang Iyang maikagon nga pag-ampo nagapakita unsay anaa sa Iyang kasingkasing. Kini nagpadayag unsay anaa sa Iyang alimpatakan sa dili pa ang Iyang kamatayon sa krus. Ang Manluluwas nagpakabana mahitungod sa kahiusa sa iglesia. Siya nag-ampo, “Aron nga silang tanan mausa, ingon nga Ikaw, Amahan, ania Kanako, ug Ako anaa Kanimó; aron usab sila mahiusa dinhi Kanato, aron nga ang kalibutan motuog nga Ikaw nagpadala kanako” (Juan 17:21). Nangandoy si Cristo nga ang pagkabahinbahin, pag-inggitanay, pag-ilogay sa kahawod, ug panagbingkil tali sa Iyang mga tinun-an mohunong. Siya nag-ampo nga ang ilang kahiusa, bisan pa sa tanan nilang mga panaglahi, magpadayag ngadto sa kalibutan sa gahum sa Iyang gugma.

Samtang akong gipahat ang handum sa kasingkasing ni Jesus ngadto niini nga mga estudyante ug mga magtutudlo, may kahibulongan nga nahitabo. Ang kataposang gabii sa among Semana sa Pagpahimug-at sa Espirituwal, kami nagpahamutang og usa ka paghinugasay sa tiil ug serbisyo sa kumunyon. Ang Balaang Espiritu mikunsad. Ang Dios nagpalihok nga gamhanan. Ang duha ka mga magtutudlo nga nakasinati sa maog pagnagbingkil nangluhod sa ilang tagsatagsa ka mga tiil. Ang Espiritu sa Dios nagbungkag sa mga olang. Sila naggakus, nagpinasaylohay sa ilang mga daot nga batasan ug nag-ampoay sa usag usa.

Ang mga tinun-an nakasinati og susama ka tam-is nga paghinulsol ug pagpaubos atol sa 10 ka adlaw didto sa ibabaw nga lawak sa dili pa ang Pentecostes. Atol niadtong 10 ka mga adlaw, ang mga tinun-an nagkompisal sa ilang mga nagkadaiya nga kalainan sa usag usa. Sila nanaghinulsol sa ilang mga inggit-ingitay ug garbo. Ang ilang mga kasingkasing nangapuno sa gugma alang kang Cristo nga naghatag sa Iyang tanan alang kanila. Daw unsa sila nga nangandoy nga sila makapuyo sa kataposang tulo ug tunga ka mga tuig pag-usab.

Gibati mo na ba kana sukad? Nakapangandoy ka na ba nga mabalik unta ug matul-id ang imong mga kasaypanan sa nagligad?

Sa dihang tan-awon nato ang mahigugmaong-kalolot ug magbantay sa pagkamatarung sa Iyang kinaiya, kita makaila sa atong kaluyahon, kasaypanan, ug mga sala. Diha sa nagasiga nga kahayag sa Iyang walay-kondisyon nga gugma ug kahingpitan, ang atong mga kasingkasing mahimong mapaubsanon. Kita mapangulohan ngadto sa halalum nga pagkompisal ug paghinulsol. Sa dihang kita mabuntog sa Iyang pagkabalaan, sumala ni profeta Isaias, kita magatuaw, “Ginoo, ipakita kadtong mga batasan ilalum sa akong kalag nga dili sama sa akang Jesus.”

Ang kalab-uton sa Dios niini nga proseso mao ang pagpangulo kanato nga mas suod ngadto Kaniya. Dili Siya buot kanato sa paglunang diha sa kasal-anan o mapuno sa pagbasol sa nangagi nato nga mga kinabuhi. Ang Iyang kalab-uton mao ang pagpangulo kanato, “diha sa dalan nga walay kataposan.” Bisan pa kini piskay ang pagkuha og madayganon nga pagtutok sa atong kaugalingon nga mga espiritohanong kinabuhi, dili piskay nga magkinabuhi sa mga kasaypanan sa nangagi natong mga kianbuhi. Ang pagkinabuhi sa atong kasaypanan ug pagtutok nga dugay sa atong mga kasaypanan lamang mopadiskoryo kanato.

Hinumdumi kanunay, ang atong Ginoo mas daku pa kay sa atong mga sayop ug mas daku pa kay sa atong mga kapakyasan. Sa piho kita nanginahanglan sa paghibalo nga matinud-anon sa atong kahimtang—apan kini mas importante pa kaayo ang paghibalo sa Iyang grasya. Ang pagsabot sa atong kaluyahon nagaandam kanato sa pagdawat sa Iyang pagkamatarung. Ang pagsabot sa atong pagkawalay-hingkabaangkaagan nagaandam kanato sa pagdawat sa Iyang kaalam. Ang tuyo sa kombiksyon sa Balaang Espiritu mao ang pagpangulo kanato ngadto kang Jesus. Samtang atong ilhon ang atong mga sala, ug kasaypanan pinaagi sa usa ka proseso sa pagsusi sa kaugalingon, kita makapasalamat sa Dios nga ang Balaang Espiritu nagapangulo kanato nga mas suod kang Jesus, ug ingon nga usa ka resulta sa matag usa. Ang makapatuo nga gahum sa Balaang Espiritu nagaandam kanato sa pagdawat sa katibuokan sa Espiritu sa gahum sa ikaduhang ulan. Apan sa dili pa kita himoon sa Dios, Siya kinahanglan maggun-ob kanato. Sa dili pa Siya magpuno kanato, kinahanglan Siya magbasiyo kanato. Sa dili pa Siya molingkod sa tron sa atong mga kasingkasing, ang kaugalingon kinahanglan palagpoton sa trono.

Si Mark Finley maoy usa ka kaabag sa presidente sa General Conference.

MGA PANGUTANA SA KASINGKASING: Asa ang imong kasingkasing karon? Nakasinati ka na ba sa matam-is nga gasa sa paghinulsol? Kon sa ingon, lahi ba ang imong kinabuhi gikan sa una? Nakaduol ka na ba sa pagsinati sa grasya sa Dios diha sa usa ka bag-o nga paagi? Nakakat-on ka na ba sa pagpahat niana nga grasya ngadto sa uban?

AKTIBONG HAGIT SA KASINGKASING: Hangyoa ang Dios sa pagpadayag niadtong mga butanga sa imong kinabuhi nga maoy nagkuha sa imong panahon, sa imong pagtagad, ug o nagapatipas sa imong mga pagbati gikan kang Jesus. Samtang imong isipon ang Isaias 59:1-2, ug 1 Juan 1:9, pag-ampo ug pangayoa sa Dios sa pagpadayag sa bisan unsa nga mga espiritohanong gahong nga basi anaa sa imong kinabuhi. Pag-ampo nga Siya magakuha niini, ug alang sa usa ka mas lalum nga pagpuno sa Balaang Espiritu.

“Ang paghinulsol nagalangkob sa kaguol alang sa sala ug sa usa ka pagtalikod niini. Dili kita makabiya sa sala gawas kon kita makakita sa ka makasasala niini; hangtud nga kita motalikod niini diha sa kasingkasing, walay tinuod nga kausaban diha sa kinabuhi. Naay daghan nga nangapakyas sa pagsabot sa matuod nga kinaiyahan sa paghinulsol. Daghang panaon nagguol nga sila nakasala ug gani naghimo og usa ka repormasyons sa gawas tuingod kay sila nangahadlok nga ang ilang sayop nga binuhatan magadala og pag-antus sa ilang kaugalingon. Apan kini dili mao ang paghinulsol diha sa hangkag sa Biblia ... [Mao kana ang kasinatian ni Esau, Balaam, Judas Escariote ug bisan kang Faraon. Sa pagtandi] ... Si David nakakita sa kadaku sa iyang kalapasan; nakita niya ang kahugawan sa iyang kalag; gidumtan niya ang iyang sala. Dili lamang alang sa kapasayloan nga siya nag-ampo, apan alang sa kaputli sa kasingkasing”– Steps to Christ, pp. 23-25

Mas Palaluman – Mga Dugang nga Sugyot sa Pagbasa alang ning semanaha:

- Ellen White, [Steps to Christ, Ch. 3 “Repentance”](#)
- Mark Finley, *10 Days in the Upper Room*



Adlaw 57 – Tutok Sa Pag-ampo – Biernes, Mayo 22, 2020

MGA TAHO SA PAGDAYEG:

- Jinia Y.: “Ako nagdayeg sa Dios alang sa mga ministryo sa media. Ang mga wali ug mga tesitmonyas nga atong matan-aw nakatabang kanako sa pagdala sa kasakit nga akong gidaladala atol ning panahon sa pag-urong sa balay.”
- Yvonne L.: “Ako nakadawat og usa ka tawag pinaagi sa akong buhat sa pag-abag og tawo nga wala pa nako mahimamat sa una. Ako nag-ampo niini ug miadto aron sa pagpakigkita ning tawhana. Pinaagi sa among pag-esrtorya, akong nahibal-an nga kining tawhana kanhi usa ka pangulo sa Adventista nga mibiya sa iglesia. Nakahimo ako sa pag-ampo uban kaniya ug iyang gidawat nga gibati niya ang Balaang Espiritu nga nagatawag kaniya pagbalik. Ako nagdayeg sa Dios nga wala lamang nagasangkap sa mga oportunidad sa pagsaksi kondili nagatudlo kanato unsaon sa pagreponde.”

MGA HANGYO SA PAG-AMPO:

- **Iampo** ang mga lugar diin ang Covid-19 daw sa mobalik pag-usab sama sa Wuhan, China ug uban pang mga ciudad ug mga rehiyon didto sa China.
- **Iampo** ang mga Adventistang magtutudlo diha sa mga tulonghaan nga gipadagan sa gobyerno tadlas sa Thailand. Adunay usa ka maayo nga higayon nga inig sugod sa eskwela pag-usab, ang gobyerno mo-implementar og mga klase atol sa Sabado aron sa paghulip sa mga nawalang panahon. Iampo ang makusganong pagtoo alang sa

mga magtutudlo ug alang kanila sa pagtindog sigon sa pagtingod sa tulo ka mga higala ni Daniel.

- **Iampo** ang mga gagmayng pundok, mga simbahan sa gawas, ug ang mga wali nga nahimo tadlas sa Papua New Guinea tungod sa pagpasirad sa mga simbahan.
- **Iampo** ang makapainit nga sentro nga ministryo sa Omega Seventh-day Adventist Church, didto sa New Haven, Connecticut, U.S., nagaserbisyo sa mga walay-pinuy-anan nga katawhan sa ciudad diha sa mga pag-adaptar alang sa pagdistansya atol sa Covid-19 nga pandemik.



Adlaw 58 – Tutok Sa Pag-ampo – Sabado, Mayo 23, 2020

Bulahan nga Kakabus

“Bulahan ang mga kabus sa espiritu, kay ila ang gingharian sa langit.”

– Mateo 5:3

“Kadtong nanghibalo nga sila dili posible nga makaluwas sa ilang kaugalingon, sa makahimog bisan unsa nga pagkamatarung nga binuhatan sa ilang kaugalingon, mao ang mga tawo nga makadayeg sa tabang nga gipahat ni Cristo. Sila mao ang mga kabus diha sa espiritu, kinsa maoy Iyang gideklara nga mga bulahan. Kang kinsa gipasaylo ni Cristo, Siya una nagahimo nga mabasolon, ug kini mao ang buhatan sa Balaang Espiritu sa pagpasabot sa sala. Kadtong kansang mga kasingkasing nangatandog pinaagi sa makapaamgo nga Espiritu sa Dios makakita nga walay maayo diha sa ilang kaugalingon. Sila nakakita nga tanan nga ilang gibuhay gayud gitimplahan sa kaugalingon ug sala. Sama sa kabus nga publikano, sila nanagtindog sa halayo, wala nangahas sa pagpatuboy sigon sa pagyahat sa ilang mga mata ngadto sa langit, ug magtuaw, ‘Gino, kaloy-i ako nga makasasala’. . .Tanan nga adunay pagbati sa ilang lalum nga kakabus sa kalag, nga mibati nga sila walay maayo diha sa ilang kaugalingon, makakaplag og pagkamatarung ug kusog pinaagi sa pagtutok kang Jesus.” – Thoughts from The Mount of Blessing, pp. 7-8

MGA PANGUTANA SA KASINGKASING:

Ang pagkamatarung sa kaugalingon — ang makapahunob sa tanan ug kanunay usa ka kinaiya sa hunahuna nga nagalimbong kanato ngadto sa paghunahuna ug pagbati nga kita mga maayo — mao kinadak-an nga babag diha pagdawat sa tininuod sa personal nga kaluwasan diha kang Jesus. Sa dihang kita makaamgo sa atong kakabus sa espiritoanon, ang atong katbiuk-an sa kinabuhi, desperado nga panginahanglan kang Jesus, ug ingon nga usa ka resulta magsalig lamang diha Kaniya, kada gutlo, sa bug-os ug sa hingpit mag-ayo kanato gikan sa matag kataposang subay sa pagkadalo, lamang unya kita makabaton sa kasigurohan sa kaluwasan.

Karon, nganong dili magpaduol kang Jesus sigon kon kinsa ikaw, uban ang imong napusgay, makasasala nga kaugalingon? Nganong dili nimo pangayoon lamang ang Iyang dugo, ang Iyang kinabuhi ug kamatayon, ingon nga usa ka paagi sa kaluwasan? Nganong dili mohangyo Kaniya sa pag-ibot sa tanang pagsandig-sa-kaugalingon nga sa gihapon anaa sa imong kasingkasing ug pulihan kini sa usa ka pagtoo diha sa Iyang gugma?

MGA TAHO SA PAGDAYEG:

- Nolubabalo D.: “Salamat Ginoo sa imong kamot ibabaw sa Africa. Salmat sa imong pagpanalipod. Salmat sa pag-atiman sa akong mga anak sa dihang wala ako. Ikaw takus sa tanang pagdayeg.”
- Philippe M.: “Sa among lungsod sa Kananga, walay sibya sa radio sa wala pa ang lockdown sa Covid-19, apan ning panahon sa krisis aduna na kamiy upat ka mga sibya matag semana sa upat ka mga lokal nga estasyonan sa radio. Gidayeg namo ang Dios alang niana!”

MGA HANGYO SA PAG-AMPO:

- **Iampo** nga si Jesus maghinlo kanimo gikan sa tanan nga pagpakamatarung sa kaugalingon ug maghatag kanimo og usa ka pagpaamgo sa imong dakung panginahanglan Kaniya matag adlaw ug sa tibuok kinabuhi.
- **Iampo** ang mga magwawali didto sa South Africa nga nakigbisog sa mga nagkadaiya nga isyu ug estres. Iampo nga sila mangaayo ug maaraman sa pagpangitag mga paagi sa pagwali sa evangelio bisan karon.
- **Iampo** si Brother Samuel S. Siya nagaantus gikan sa makapanghikutas nga sakit sa iyang ubos-ubos nga lwas ug ang mga doktor wala masayod unsay problema. Usab, iampo si Sister Tabitha N. nga nahilngan nga may buho ang iyang kasingkasing ug anaa sa tumang ka sakit. Iampo ang ilang kaayohan ug ang kaayohan sa daghan pang uban nga nanag-antus niining panahona.
- **Iampo** ang Chinese Ministry Center didto sa Jakarta, Indonesia samtang sila nagahimo og wala sa online matag Sabado gikan Mayo 9 hangtud June 20, 2020. Ang unang miting misapopo og mokabat 3000 ka mga manan-away ug kapin sa 260 ang nagpalista alang sa mga pagtuon sa Biblia.



Adlaw 59 – Tutok Sa Pag-ampo – Domingo, Mayo 24, 2020

Pagbangotan Napusgay Na

“Bulahan ang mga nagamasulob-on, kay sila pagalipayon.” – Mateo 5:4

“Ang pagbangotan dinhi nga gipakita mao ang matuod nga kaguol alang sa sala . . . Ug sigon sa usa nga nadani sa pagtan-aw kang Jesus nga giisa sa krus, siya nakaaninag sa pagkamakasala sa katawhan. Siya nakakita nga kini sala ang pagbunal-bunal ug paglansang sa krus sa Ginoo sa himaya. Siya makakita nga, samtang siya gihigugma uban sa dili-matukib nga pagkamalumo, ang iyang kinabuhi nahimong usa ka makanunayon nga talan-awon sa pagkadili-mapasalamaton ug pagrebeld. Iyang gisalikway ang iyang labing suod nga Higala ug giabasaran ang labing hamili nga gasa sa langit. Iyang gilansang sa iyang kaugalingon ang Anak sa Dios sa bag-o ug nagdughang sa bag-o nianang samaron ug nasakitan nga kasingkasing. Siya nahimulag gikan sa Dios pinaagi sa usa ka luok sa sala nga halapad ug maitom ug halalum, ug siya nagabangotan diha sa kagul-anan sa kasingkasing. Ang maong pagbangotan ‘pagalipayon.’ Ang Dios nagapadayag kanato sa atong salaod nga kita makalingkawas ngadto kang Cristo, ug pinaagi Kaniya mahigawas gikan sa kaulipnan sa sala, ug magmaya diha sa kagawasan sa mga anak sa Dios. Diha sa matuod kuntrisyon

kita makahimo sa pagduol sa tiilan sa krus, ug didto ibilin ang atong mga lulan.” – Thoughts from The Mount of Blessing, pp. 9-10

MGA PANGUTANA SA KASINGKASING:

Ikaw ba nakagugol na og panahon sa pagkaampo sa bug-os unsa gibuhath ni Jesus alang kanimo diha sa mga labing ngitngit nga takna sa Iyang pagkahimalatyon? Samtang imong tan-awon ang natuboy, gilansang, nga tigpas-an sa sala nga Manluluwas, imo bang palapuson kini nga mga talan-awon sa imong kasingkasing? Samtang imong pamalandongan ang Iyang pag-agulo sa pagsinati sa ikaduhang kamatayon diha sa imong dapit, imo bang ablihan ang imong mga mata sa pagtan-aw sa kahugaw sa imong paborito nga mga sala? Nganong dili ka magsugod karon sa pagbangotan alang sa imong mga sala, hilabina alang niadtong dili ka mawilihon sa pagtugyan? Isugid kini kang Jesus! Siya malipay sa pagpasaylo kanimo. Siya mohupay kanimo. Ug Siya mohatag kanimog kadaugan.

MGA TAHO SA PAGDAYEG:

- Diane T.: “Nagahimaya sa Dios alang sa oportunidad sa pagtambong sa Virtual ARME Bible Camp! Daw unsa ka madagayaon nga panalangin atol ning panahona.”
- Iris R.: “Ako naadik sa pagtan-aw og Netflix. Mobasa ra kog pipila ka mga bersikulo sa Bibli ug mosulay sa pagpahusto sa akong kaugalingon, ug unya padayon sa pagtan-aw. Human sa usa ka semana sa pag-ampo sa among tulonghaan ang Dios nagkonbiktar kanako sa pagpala sa app. Human sa pipila kahigayon mibalik ako sa pagtan-aw lamang sa mga salida mahitungod sa Biblia, apan dili ako makapugong sa akong kaugalingon, nahibalik ako sa pagdumala ni Satanas. Ako nagtuaw sa Dios. Pagkasunod adlaw ang akong pastor naghatag kanako og Andrews Study nga Biblia ingon nga usa ka regalo. Nagmaya ako, ug uban sa mga luha nagpasalamat sa Dios alang sa Iyang pagnginlabot. Siya nagpahinumdom kanako sa Filipos 2:13 *‘kay diha sa sulod ninyo ang Dios mao ang nagapalihok sa inyong pagtinguha ug pagpaningkamot alang sa iyang kaugalingong kahimuot.’* Nagdayeg ako sa Dios sa pagpakonbiktar kanako ug sa pagtuman sa Iyang saad.”

MGA HANGYO SA PAG-AMPO:

- **Iampo** ang mas tin-aw nga pagsabot unsa gyud ang nahitabo didto sa krus. Pag-ampo nga ang Dios motabang kanimo sa pagkasilag sa sala, ug paghigugma sa pagkamatarung.
- **Iampo** ang buhat sa pagpanganbas didto sa Malawi ingon man ang suportar paninapi sa pagsugod og usa ka sanitarium ug buhat misyonero mediko nianga nga rehiyon.
- **Iampo** nga ang katawhan dili diskaril sa mga haka-haka nga tiyoriya, kondili magtutok sa ilang mga mata kang Jesus, ug sa Iyang kamatuoran.
- **Iampo** ang mga membro sa Peter’s Rest SDA Church didto sa St. Croix, Virgin Islands. Ang ilang simbahan nasunog. Iampo ang kaalam sigon unsaon pag-irog sa unahan. Iampo kini nga kawalad-an mamahimong kadaugan alang kang Jesus.



Adlaw 60 – Tutok Sa Pag-ampo – Lunes, Mayo 25, 2020

Mabaluson Nga Pagkamaaghop

“Bulahan ang mga maaghop, kay sila magapanunod sa yuta.” – Mateo 5:5

“Ang tawhanong kinaiyahan gayud nakigbisog alang sa pagpahayag, andam alang sa pagpatas-anay; apan siya nga nagakat-on kang Cristo maoy nabasiyohan sa kaugalingon, sa garbo, sa gugma sa pagkahawod, ug adunay kahilum diha sa kaalg. Ang kaugalingon natugyan ngadto sa pagbulot-an sa Balaang Espiritu. Unya kita dili mabalak-on sa pagbaton sa kinatas-an luna. Wala kitay ambisyon sa pagpatipon ug pagpasiko sa atong kaugalingon aron mamatikdan; kondili bation nato nga ang atong kinatas-ang luna maoy anaa sa tiilan sa atong Manluluwas. Kita nagatutok kang Jesus, nagahulat alang sa Iyang kamot sa pagpangulo, nagapamati alang sa Iyang tingog sa paggiya.” – Thoughts from The Mount of Blessing, p. 15

MGA PANGUTANA SA KASINGKASING:

Wala nay mas malipayon pa nga dapit sa kinabuhi kay sa paghibalo nga ikaw anaa sa kauyonan sa Dios diha sa tanan nimong ginabuhat. Kini nga kauyonan nagalungtad sa dihang si Jesus ginapangita, ug ang pagpahataas sa kaugalingon gibiyahan, nagaila nga ang makasasala *“kasingkasing malimbongon labaw sa tanang mga butang, ug hilabihan gayud pagkadautan.”* (Jeremias 17:9). Kamapaubsanon, pagkamaaghop, mao ang yawe sa pagtugot sa Balang Espiritu sa pagpalambo diha kanimo og usa ka tinuod nga katahom, sama kang Cristo nga kinaiya.

Hangyoon ba nimo si Jesus sa pagkuha sa imong garboso nga mga tinguha, sa imong mga kinaugalingon nga ambisyon, ug sa imong gugma sa pagpataas? Hangyoon ba nimo Siya sa pagpapas niini pinaagi sa paghimo kanimong takus sa pagbansay og pagkamalumo, pagkamaaghop, ug kamapaubsanon, sugod karon?

MGATAHO SA PAGDAYEG:

- Claudia P.: “Gidayeg ko ang Dios sa Iyang malumo nga mga kaalooy nga bag-o dili lamang matag buntag, kondili matag gutlo! Siya maayo sa akong panimalay ug kanako lapas pa kon unsay masaysay sa mga pulong. Ako nagadayeg Kanimo Ginoo!”
- Rose K.: “Dalaygon ang Dios sa 100 ka Adlaw sa Pag-ampo! Matag adlaw ako gipabaskog sa paghimog bag-ong butang, o ako makakita og mga bag-ong kausaban diha sa uban nga mga magtutuo. Human niana, nasabtan nako nga kon unsay akong nakita sa tinuod maoy usa ka tubag sa hangyo sa pag-ampo diha sa 100 ka Adlaw sa Pag-ampo. Kahibulongan tan-awon giunsa sa Balaang Espiritu sa paglihok!”

MGA HANGYO SA PAG-AMPO:

- **Iampo** nga si Jesus mohimo kanimo nga mapaubsanon ug maaghop.
- **Iampo** nga ang mga membro didto sa Uganda nga naapektohan sa bag-o nga mga lunop. Ang
- **Iampo** ang mga Adventistang magtutudlo sa tibuok kalibutan ingon nga daghan ang nanag-atubang og kalisadanan sa paninapi tungod kay wala na makatrabaho.
- **Iampo** ang mga batan-on nga makaamgo sa kahinungdanon sa pag-alagad sa Dios ug dili sa kalibutan.



Adlaw 61 – Tutok Sa Pag-ampo – Martes, Mayo 26, 2020

Usa ka Matarung nga Pagkaon

“Bulahan ang mga gigutom ug gi-uhaw sa pagkamatarung, kay sila pagabusgon.”
– Mateo 5:6

“Ang pagkamatarung mao ang pagkabalaan, kahisama sa Dios, ug ang ‘Dios gugma.’ 1 Juan 4:16. Ang pag-uyon sa balaod sa Dios, kay ‘tanang Nimong mga kasugoan matarung’ (Salmo 119:172), ug ‘ang gugma mao ang katumanan sa balaod’ (Roma 13:10). Ang pagkamatarung mao ang gugma, ug ang gugma mao ang kahayag ug ang kinabuhi sa Dios. Ang pagkamatarung sa Dios napadayag diha kang Cristo. Kita nagadawat og pagkamatarung pinaagi sa pagdawat Kaniya.”– Thoughts from The Mount of Blessing, p.

18

MGA PANGUTANA SA KASINGKASING:

Gigutom ka ba o giuhaw sa pagkamatarung ni Cristo?

Ang Iyang kinabuhi sa hingpit dili-dalo nga gugma ug sa Iyang kamatayon nga hulip alang kanato maoy nagsangkap kanimo sa usa duha ka gasa sa grasya nga makapamatarung: 1.) Ang Iyang gitumbok nga pagkamatarung, nga mao ang saad nga ikaw matabonan pinaagi sa Iyang hingpit nga kinabuhi pinagi sa pagtoo diha niana nga saad. 2.) Ang Iyang gipaambit nga pagkamatarung, nga mao ang saad nga Siya mousab kanimo gikan sa pagkahakog, ngadto sa pagkatawo nga nagapadayag sa dili hakog nga gugma ni Jesus, pinaagi sa pagkainbuhi og pagto diha niana nga saad.

Kining duroha nga gasa matuman diha kanimo; kini sa tinuod magtagbaw kanimo; kini moluwas kanimo! Nganong dili dawaton kini karon ug magsugod sa pagkinabuhi og usa ka malipayon ug napuno-ni-Jesus nga kinabuhi diha sa pasidaan niini nga kahibulongan nga katinuoran sa makatubos nga gugma sa Dios?

MGA TAHO SA PAGDAYEG:

- Jane D.: “Ang Dios nag-ayo sa mga masakiton nga akong giampo. Siya usab kahibulongan nga nagtandog sa mga kasingkasing sa akong panimalay.”
- Marcia N.: “Ang akong anak nga babaye naadik sa druga sud sa daghang katuigan, nawad-an og kapuy-an ug napriso pa. Ang among grupo sa pag-ampo nagsugod pag-ampo alang kaniya ug ingon nga usa ka resulta siya karon anaa sa usa ka pasilidad nga makatabang kaniya, ang iyang panglawas nagmalamboon, siya nakabaton og usa ka nabag-o pag-usab nga interes sa Dios, ug siya nagabasa na sa Espiritu sa Tagna nga mga libro. Siya nag-ingon nga ang Dios maoy nagtabang kaniya. Ako nagdayeg sa Dios alang sa Iyang gugma alang kanato ug sa pagtabang kanato tadlas niining mga masakit nga katuigan. Ang pagbakho naglungtad sa usa ka gabii, apan ang PAGMAYA moabut inig kabuntag!”

MGA HANGYO SA PAG-AMPO:

- **Iampo** ang pagkamatarung ni Cristo sa pagtabon ug sa pagpuno kanimo.
- **Iampo** nga ang Dios sa pagpanginlabot sa pagkatag sa cerebrospinal meningitis diha sa ibabaw nga bahin sa kasadpang rehiyon sa Ghana. Kini nga pagkatag mikalal na og daghang katawhan diha niana nga rehiyon.
- **Iampo** ang mga simbahan nga dili na aktibo sukad sa pagkatag sa Covid-19. Iampo ang mga pastor, mga pangulo sa iglesia, ug mga membro sa paghibalo unsaon sa

pagdugtong sa kinamaayohan niining panahona. Pag-ampo alang sa usa ka bag-o nga pagtutok sa kahinungdanon sa pag-ampo.

- **Iampo** ang mga membro diha sa Myanmar samtang ilang gipahimuslan ang internet sa pagpakaylap sa maayong balita niining panahon sa krisis.



Adlaw 62 – Tutok Sa Pag-ampo – Miyerkoles, Mayo 27, 2020

Kaluy-i!

“Bulahan ang mga maloluy-on, kay magadawat silag kaluoy.” – Mateo 5:7

“Ang Dios Mismo mao ang tinubdan sa tanang kaluoy. Ang Iyang ngalan ‘maluluy-on ug puno sa grasya.’ Exodo 34:6. Dili kita Niya tagdon pinasikad sa atong kamingawan. Wala Siya naghangyo kon kita takus ba sa Iyang gugma, kondili Siya nagbobo kanato sa kadagaya sa Iyang gugma, ron kita mahimong takus. Dili Siya mahinukmanon. Waka Siya nangita aron sa pagsilot, kondili sa pagtubos. . .Siya nangandoy uban ang lagiting nga tinguha sa pagpahumpay sa kasubo sa katawhan ug sa pag-aplikar sa Iyang balsamo ngadto sa ilang mga samad. . . Ang mga maluluy-on maoy ‘mga manununod sa diosnong kinaiyahan,’ ug diha kanila ang maluluy-ong gugma sa Dios makakitag kapahayagan. Tanan kansang mga kasingkasing nga nakigsimpatiya sa kasingkasing sa Dili-limitado nga Gugma mangita sa pagpahibalik ug dili sa pagkondena. Si Cristo nga nagapuyo sa kalag maoy usa ka tubod nga dili mahubsan. Kon diin Siya magpuyo, adunay nagaawas nga paghimog maayo.” – Thoughts from The Mount of Blessing, p. 22

MGA PANGUTANA SA KASINGKASING:

Paggahin og usa ka gutlo ug pamalandongi ang kalooy sa Dios sa imong kinabuhi. Suya lamang nagatan-aw alang sa imong kinaayohan, bisan pa sa imong pagkadili-matud-anon. Wala Siya nagkinahanglan kanimo nga magpamatuod sa imong katakos ngadto sa Kaniya aron sa pagdawat sa Iyang gasa sa kaluwasan. Gitratar ka Niya nga may gugma.

Sa dihang masinatian nimo ug masagop sa sulod ang kalooy sa Dios, ang Balaang Espiritu mohatag kanimog katakos sa pagkahimong usa ka ahente sa kalooy; nagatratar niadtong anaa sa palibot nimo nga may susamang matang sa gugma ug kalooy. Hilabina niadtong mga nangdaot nimo.

Pilion ba nimo karon, uban sa tabang ni Jesus, sa pagpalapad sa kalooy sa Dios ngadot sa katawhan diha sa imong kinabuhi? Sa pagpasaylo kanila sa wala pa sila nangayo niini, sa paghigugma kanila sa wala pa sila mahatagi og usa ka pangatarongan sa pagbuhat sa ingon? Sa pagtinguha sa ilang kinamaayohan bisan kon sila angayan o dili?

MGA TAHO SA PAGDAYEG:

- Elham L.: “Dugay na ko nag-ampo sa Dios alang sa usa ka mas lalum nga relasyon kaniya. Sukad sa paglambigit sa mga 100 ka Adlaw sa Pag-ampo sa adlaw-adlaw ngadto sa akong adlaw-adlaw nga mga debosyon nagagamit og usa ka listahan sa pag-ampo, ang akong kinabuhi sa pag-ampo na nabag-o. Makatilingala!”
- Sherma J.: “Ang Dios nagtubag sa usa ka pag-ampo alang sa usa ka nawala nga membro. Wala na niya tubaga ang akong tawag. Sa dihang giduaw ko siya, ang iyang

hisgotan mao ang iyang mga problema ug dili niya ako pasultihon. Ako nag-ampo sa Dios sa paglihok sa iyang kasingkasing ug inay nga ako ang motawag kaniya siya unta motawag kanako. Duha ka semana gundad niadto nanawag siya ug nag-ingon nga ang iyang mga problema nasulbad na ug buot siya mobalik og simba ug magtahan sa iyang kinabuhi ngadto sa Dios!”

MGA HANGYO SA PAG-AMPO:

- **Iampo** nga ang Dios mohimo kanimo nga usa ka ahente sa kalooy ngado sa katawhan sa imong kinabuhi.
- **Iampo** ang mga estudyanye nga nakigbisog sa mahal nga matrikula aron lang makaeskwela. Iampo nga sila makasinat sa pagpangulo sa Dios sa ilang edukasyon.
- **Iampo** ang katawhan ug mga membro didto sa Zimbabwe. Ang kadaghanan kanila dili makaakos nga magpabilin nga lockdown. Ang ilang sistema sa panambal dili makasugakod sa pagpatigayon sa krisi sa Covid019.
- **Iampo** ang nagkadaiyang mga pastor sa Indonesia nga natakdan sa Covid-19.
- **Iampo** nga ang Dios magpanalangin sa pagpang-abot sa mga estudyante didto sa Brazil nga nanagboluntaryo sa pagpamalit og mga sanitayser sa kamot alang sa mga tiguwang.



Adlaw 63 – Tutok Sa Pag-ampo – Huebes, Mayo 28, 2020

Putling Panan-awon

“Bulahan ang mga maputli ug kasingkasing kay makakita sila sa Dios.” – Mateo 5:8

“Ang Balaang Espiritu nagadala sa kamatuoran mahitungod sa Dios ug Kaniya nga nagpadala Kaniya, ug nagaabli niini ngadto sa salabotan ug sa kasingkasing. Ang putli diha sa kasingkasing makakita sa Dios diha sa usa ka bag-o ug mahigugmaong relasyon, ingon nga ilang Manunubos; ug samtang sila nanag-aninag sa kaputli ug sa katahum sa Iyang kinaiya, sila nanagpangandoy sa pagpadayag sa Iyang dagway. Sila nanagtan-aw Kaniya ingon nga usa ka Amahan nga nangandoy sa paggakus sa usa ka mahinulsulong nga anak, ug ang ilang mga kasingkasing nangapuno sa pagmaya nga dili matukib ug puno sa himaya.”

– Thoughts from The Mount of Blessing, p. 26

MGA PANGUTANA SA KASINGKASING:

Sa dihang kita maglakaw uban sa Dios nga matinud-anon, Siya sa kanunay nagaabli sa atong mga mata sa mas labi ug labi pa sa usa ka salabotan sa Iyang kinaiya sa gugma, ang Iyang kabubut-on, ug ang Iyang katahum. Diha sa pagkaamgo sa Iyang hingpit nga kabalaan ug kaputli ang atong kahugawan madan-agan ug kita dapiton sa pagdawat sa paghinli nga Siya lamang ang makahatag. Niini nga panig sa langit, kita makakita sa mata sa pagtoo, apan usa ka adlaw, sa di madugay kita makakita Kaniya nawong sa nawong! Daw unsa kana ka mahimayaon nga adlaw!

Hangtud unya, nganong dili mohangyo Kaniya sa paghinlo sa atong mga kasingkasing gikan sa tanang kadagtaan ug kahugawan? Nganong dili magpakisusi sa aktibo alang sa usa ka mas klaro gyud kaayo nga panan-awon ug salabutan sa atong Dios ug sa Iyang kabubut-on?

MGA TAHO SA PAGDAYEG:

- Shana S.: “Atol sa 100 ka Adlaw sa Pag-ampo ako nagsugod sa pag-ampo alang sa usa ka higala sa 20 ka tuig nga, gikan kawala, nagsugod sa pagbaliwala kanako gunad niadtong 1017. Gilikay-likayan ko niya bisan sa selpon, ug uban pa. Misulay ako sa pag-abot kaniya makadaghang higayon. Walay tubag. Ang among pangulo sa pag-ampo nagpadasig kanamo sa pagtuaw ngadto sa Dios. Gibuhat ko kini. Gitawagan ko siya pag-usab. Walay tubag. Pagkasunod adlaw mitawag siya nako pagbalik! Wala na niya ako gibabagan sa iyang selpon ug nag-asoy kanako nga ako wala na makadawat og bisan unsa nga sayop. Nadugtong kami pag-usab ug nagkauli ang among mga buot pag-usab. Ang Dios nagtubag sa atong mga pag-ampo!”
- John K.: “Dinhi sa Uganda ang lockdown maoy hinungdan sa daghan nga kagutom. Atol sa usa ka 100 ka Adlaw sa Pag-ampo, ang Dios naghatag kanakog kaalam sa pagtabang sa mga gigutom nga kabataan. Nagpadala ko og usa ka mensahe ngadto sa 100 ka mga panimalay gikan sa simbahan ug naghangyo kanila sa pagpahat og pagkaon sa mga gipanggutom nga katawhan duol kanila. Kini nga yano nga ideya mikaylap tadlas sa tibuok rehiyon pinaagi sa usa ka manunulat nga nagpahat niini sa online. Uban sa mga bag-o nga kadugtongan nga among nabuhat nakasugod kami og wali sa online pinaagi sa WhatsApp!”

MGA HANGYO SA PAG-AMPO:

- **Iampo** ang usa ka putli nga kasingkasing, gawasnon gikan sa sala, nahinloan gikan sa tanang kahugawan.
- **Iampo** ang mga direktor sa negosyo sa longon, ilang mga kawani, ug mga embalsamador kay sila ang direkta nga kontak sa daghang nangamatay sa Covid-19.
- **Iampo** ang iglesia didto sa Fiji, samtang sila naghunahuna sa pag-usab sa estruktura ug mas kusgan nga pagpabaskug sa layko sa pagpanag-iya sa nagkadaiyang mga responsibilidad.
- **Iampo** ang ang ministryo sa Harvest SDA Church didto sa Alabama, USA. Sila nahimutang sa usa ka ubos og kita, dapit nga taas og krimin, ug nakit-an nga diyutay kaayo ang bunga sa ilang pagpangdaug og hamiling kalag. Iampo nga ang Dios magdala og usa ka kakaplagan.